


# برفان سے چھٹندور

تجمل کلیم

الحمد لائبریری  
فیس بک گروپ  
کتابیں پڑھتے





# برفان پھرتندور

تجمل کلیم

برفان پھرتندور  
کتاب  
لاہور

فکشن ہاؤس

۱۸- فرنگ روڈ، لاہور



انتساب

عذرا تے ضرغام حیدر

وے ناں

حیدر



برفان ہیسٹہ تندور

تجل کلیم



تیری واج ای دے گی راہ مینوں  
بڑی دھوڑ اے چاواں دے وگ اگے  
سُجّ پیر مجبوری دے چھالیاں توں  
اُتوں عشق نے آکھیا لگ اگے



# الحمد للابنیری

فہرست

فیسبک

گروپ

کتابیں

پڑھیں

سید حسین احسن

- مرمر کے جین تے کہ ذرا 15  
اگے روگ الدی بیٹھاں 17  
اک میرا ہمسایا سی 19  
اکھ کھولی تے دکھاں دے جال ویکھے 21  
سوچاں سے نیں وکری نہیں 23  
اس لئی اڈیا رنگ سی خورے 24  
ہونی ہو کے رہی دل تے لگے کیہ 26  
دنیا بند پٹاری وانگر 27  
یاں تے چھڈ دے واگ نصیسا 28  
بھڑا ویہر کھلوتا سی جگ اگے 29  
اندر فیر کڑ وچ نہ ہووے 30  
سوچ دی بلبل چوں کیہ کردی 31



میری تیری تصویر پاڑ دیواں کسے نوں کیہ 32

لیکھ لکیر تے ہتھ وچ رہنی ہندی اے 33

ہن وی آس امیدیاں رکھ 34

ونیکھ رہیاواں ہاسے مردے 35

گل پیار دی چھیڑتے کجھ ہووے 38

سوچاں دی دل کدھر گئی 39

اج سویر توں چنگے آں 40

دس دل نوں کیویں نہ ٹک لگے 41

سوچ غماں دی بھٹیڑچ کھڑی دیکھی اے 42

آہویں نیویں سہ جاندا اے 43

مشکاں باہیں کسی جا 44

پیار دی مالا جپدے رہے آں 46

اکھ پٹی پھڑکے ادھی راتیں 47

ہمت کیہ ہتھیار نہیں ہندی 49

ہتھیں یاداں دے شہر اجاڑ دتے 50

پھٹ جگر دے دھووی چکیاں 51

ٹھڈیاں نال نہ مویا تے 52

انبرول نوں چہماں تے سک جاواں 53

گھٹ صبر دا بھریا ہووے 55

وعدے پورے کر نہیں جاندا 56



- 58 بگ میرے لئی اوپرا تاں ہویا
- 59 لیکھاں نال مکال تے پالے
- 60 گولی وانگروج کے ملیا
- 61 بہ کے کلاتوں کیوں روویں
- 62 دانا بیجیں گاتے سٹے آون گے
- 63 ایکوں کئی جاندے او
- 65 روپ سروپ گھنڈ دے وس
- 67 سب سب کے ملی مراد پاروں
- 68 دل دا شیشا صاف تے نہیں ناں
- 69 رستاں کہ کے دوری جاواں
- 70 حیلہ پیار دا ویریا قہرتے نہیں
- 71 رکھاں وانگ اپیری اگے
- 72 اک تے منزل دور سی جہراں
- 74 دکھ دے راہیا اوکھ پسندا کجھ تے کہ
- 75 مینہ دسیا تے چوئی چھت
- 76 اکھ رکھی تے اسیتی نہیں
- 77 عمروں لمی راہ نہ لیندا
- 78 قسے تیرا لوڑ ای نہیں
- 79 کٹھے ویکھے سکھ تے دکھ



ذہناں وچ فتور نہ گڈیں 81

یار ہووے تے سون دی رت ہووے 83

خوف اٹھیرے ٹال برابر 84

سکھ تے تھواں تیکر اے 85

دیکھ کے راہواں ملیاں پشیاں 86

یاواں ہوکا مارن لگیاں 87

پیسار پڑھا ہو سکدا اے 88

انھن میٹ کے ٹر جاناواں 89

شیشے دا شکار اے 90

کھینڈ وگاڑی سوچاں دی 91

ساہواں نال ابال رہیاواں 92

یوہا دل دا کھولاں تے فیر کھنا 94

اکھاں دھر کے شیشے ساہویں 96



نہ بئی میں نہیں پوری پینی  
ادھی ترے! ادھی راتیں





مر مر کے جین تے کہ ذرا  
انیس اوکھی زمین تے کہ ذرا

دساں نہوواں دی کھانا ایں ڈر کلہا  
کسے کئی کمین تے کہ ذرا

چھڑ بات انگور دی دھی والی  
اج اتھرو پین تے کہ ذرا



شاہ ساہ دی کھیڈ نوں جاں لوے  
ایہدی شین نوں سین تے کہ ذرا

دکھ سانجھاں گے ساہواں دے نال تیرا  
سانوں ایہدا امین تے کہ ذرا





اگے روگ اڈی بیٹھاں  
سارے بچن سدی بیٹھاں

اکھ دی بولی کیوں نہ سمجھاں  
عشق ولی دی گدی بیٹھاں

دھرتی میرے پیو دا ویٹرا  
کون مہاجر؟ جدی بیٹھاں



پاگل ہو کے سمجھاں آئیاں  
ٹھیک سیانے رڈی بیٹھاں

اکے پکے پیراں اُتے  
خورے کیہ کیہ لدی بیٹھاں





اِک میرا ہمسایا سی  
لگدا اماں جایا سی

شیشا پیچھدا پھروا اے  
پتھر کدھروں آیا سی

اوڑک مسجد بھگتے گی  
میں اِک مندر ڈھایا سی



ان اوہ آقا حمدی اے  
 جھڑی صرف رعایا سی

میں اک سولی گڈی سی  
 نہیں نہیں، بوٹا لایا سی



اکھ بھولی تے دکھاں دے جال ویکھے  
اتوں ہنڈوے چندڑی نال ویکھے

اک دن سی ہجر دا سال ورگا  
اسیں دن نہیں سالوں دے سال ویکھے

اٹل کیرے دے رزق دی سوچ ربا  
اسیں ٹھکھاں توں وکدے بال ویکھے

میں نیچیاں جگ دے مسکھ پاروں  
سد بُلھے نوں میری دھمال ویکھے



اسیں ویکھیا خون دا رنگ چٹا  
 اسیں پھل کپاہواں دے لال ویکھے

اسیں جھلے کلیم نوں روک دلا  
 ایہنوں آکھ سو ویلے دی چال ویکھے



سوچاں سے نیں وِکری نہیں  
ڈنگ دی وی بے فکری نہیں

میںوں بال نہ سمجھی توں  
قلم اے ہتھ وچ بکری نہیں

کسراں روپ پتنگ اڑے  
دل رکھیا اے بکری نہیں

عشق بیماری جاوے کیہ  
ایہ کوئی سر دی سکری نہیں

کاسا پھڑ لاں چھاواں لئی  
دھپ ایڈی وی شکری نہیں





اس لئی اڈیا رنگ سی خورے  
اپنے نال ای جنگ سی خورے

زندگی ممول نہ مگروں لتھی  
اونتر جانی منگ سی خورے

مہنا مَن کے ٹوٹے ہویا  
دل شیشے دی ونگ سی خورے

ہمت وی مَنہ بھرنے ڈگی  
لیکھ اڑائی ٹنگ سی خورے

سوچاں وچ فتور سی چوکھا  
یاں فر زندگی تنگ سی خورے

اوہ تے چاہندا سی کجھ منگاں  
میںوں میتھوں سنگ سی خورے





ہونی ہو کے رہنی دل تے لگے، کیہ  
دو ساہواں دی گل اے پچھے اگے، کیہ

اوہنوں اندروں کڈھنا میرے وس اچ نہیں  
دل وچ اُگیا بوٹا بندا کھگے کیہ

جس دن توں میں ساہواں گروی دھر آیا  
ویلا سوچ رہیا اے میتھوں ٹھگے کیہ

نسلی رولا سمجھ نہیں آوندی اُٹھیا کیوں  
اکو ماں تے پیو اے کالے بگے کیہ

چھڈ کلیم بُرے وا کھیڑا چپاں وٹ  
توں اوتار ولی نہیں تینوں لگے کیہ



دنیا بند پٹاری وانگر  
کھولے کون مداری وانگر

ساہ جُستے دا سچا رشتا  
کھوٹا ساڈی یاری وانگر

دکھاں ڈاڈھا چسکا دتا  
قسمے چیز کراری وانگر

اکھ راتاں نوں کھلی رہندی  
اوس بزار دی باری وانگر

اک ہیرے نوں کھندا رہناں  
کٹ کلیجا آری وانگر



○

یاں تے چھڈ دے واگ نصیا  
یاں فر جھٹ کو جاگ نصیا

تیرے ناں توں قصا ٹوراں  
اک سی کالا ناگ نصیا

آس شیرا کس لئی ڈھاواں  
مڑ نہ جاوے کاگ نصیا

آپے سڑوا بلدا رہناں  
چھیڑ کے دیک راگ نصیا

سکھ ووہٹی دا گھنڈ کیہ چکدا  
بھر نہیں سکيا لاگ نصیا



جھڑا ویر کھلوتا سی جگ اگے  
ہار ڈگیا پیو دی پگ اگے

عشق عقل نوں سٹ کے کنڈ پچھے  
مال آپ رکھاؤندا اے ٹھگ اگے

تیری واج ای دے گی راہ مینوں  
بڑی دھوڑ اے چاواں دے وگ اگے

مُجھے پیر مجبوری داے چھالیاں توں  
اتوں عشق نے آکھیا لگ اگے

برے بندے دا بنے گا کیہ خورے  
سپ خوف دا پچھے تے آگ اگے

آج تیرا دردی زخمی رگ آگے  
آج تیرا دردی زخمی رگ آگے





اندر فیر کڑچ نہ ہووے  
غیر دا دسیا سچ نہ ہووے

موت تے وعدا کوئی نہیں جھلدا  
بنڈا اصلوں کھچ نہ ہووے

پتھر نہیں! میں پھٹ وکھاواں  
تیرا دل جے کچ نہ ہووے

جند کدوں دی ٹھر ٹھر جاوے  
جے ساہواں دا چچ نہ ہووے

سچ نشے توں سبھ نوں روکاں  
جے پر مینوں لچ نہ ہووے



سوچ دی بلبُل چوُن کیہ کردی  
گوُنکے حرفاں نوُن کیہ کردی

وقت کڑا ہے سبھ نوُن تلیا  
ساڈی کَلّی شوُن کیہ کردی

غرض بڑے سن کُناں اندر  
فریاداں دی جوُن کیہ کردی

خوف تے راکھا نہیں سی بُنا  
جند اکڑا کے لوُن کیہ کردی

دل پھٹی تے رِجھاں بھانبر  
سرُدی نہ تے روُن کیہ کردی





میں تیری تصویر پاڑ دیواں کسے نوں کیہ اے  
غزل دا مطلع وگاڑ دیواں کسے نوں کیہ اے

میں دل دے کمرے چ روپ ہرنی نوں کھلا چھڑاں  
تے باہر رتبھاں نوں تاڑ دیواں کسے نوں کیہ اے

میں تن حرفاں نوں "شہر" کہہ کے کراں نظارا  
تے غیر آپے اجاڑ دیواں کسے نوں کیہ اے

میں درد چوراں نوں شور کر کے پھڑا وی سکناں  
جے آپ جسے دی آڑ دیواں کسے نوں کیہ اے

کلیم لوکاں نے ایہنوں کورا نہیں رہن دینا  
میں دل دا ورقا ای پاڑ دیواں کسے نوں کیہ اے



لکھ لکیر تے ہتھ وچ رہنی ہوندی اے  
بھاویں جسراں باراں ٹہنی ہوندی اے

منہ دا بُوہا پہلاں اوہ کھڑکاندی اے  
جھڑی گل آخر تے کہنی ہوندی اے





ہُن وی آس امیدیاں زکھ  
پالن ہار تے دیدیاں رکھ

لیکھا جگ دیاں خُشیاں موڑ  
ایہ لے میریاں عیدیاں رکھ

روپ زبان دا کچا ای  
نالو نال رسیدیاں رکھ

عشق تویت نوں منے سہی  
 ساہواں وچ خریدیاں "رکھ" ☆

توں اُلیائی نہ دیویں  
 سرتے نال مریداں رکھ

---

☆ رکھ: تویت توں مراد سونے چاندی دا وی ہوندا اے تے "رکھ" ٹوٹے  
 ٹوٹے والے تویت نوں وی آکھیا جاندا اے۔





وکیہ رہیا واں ہاسے مردے  
ایتھے کیہ سی پاسے مردے

سدھا ہونا مجبوری سی  
کیہ مطلب! اکواسے مردے؟

میری اکھ نے پیہماں کٹیاں  
نہیں تے بدل پیاسے مردے

آزادی لئی سورج ورگے  
 دیکھے بنھ مڑاسے مردے

اصلی گھار قبر نوں نیا  
 دیکھ کے پکھی واسے مردے





گل پیار دی چھیڑ تے کجھ ہووے  
بڑے دور آل نیڑ تے کجھ ہووے

ایویں راہواں دے نال نہ کھیہ دلا  
کوئی سونہ گوڑ تے کجھ ہووے

کاراں کوٹھیاں منگاں تے نہ دیویں  
ساڈے بالاں دے تیر تے کجھ ہووے

نویں پھٹ تے سانجھے نہیں ساریاں دے  
اج پہلی تریر تے کجھ ہووے

رُج سون دا مرن دے بعد سوچیں  
جھٹ اکھاں اگھیر تے کجھ ہووے



سوچاں دی ول کدھر گئی  
شعراں دی ول کدھر گئی

ڈبی بیڑی لبھدا نہیں  
ویکھ رہیاں چھل کدھر گئی

دارو پی کے پیچھدے او  
ککراں دی کھل کدھر گئی

ریفل تے مقتول دی اے  
پاگل جہی چل کدھر گئی

سپ لوکاں نوں آکھے سپ  
کیوں بھئی ایہ گل کدھر گئی





آں چنگے توں سویر  
آں چنگے توں دیر

آں وٹے نہیں  
آں چنگے توں بیر

اے جگنو اک وچ  
آں چنگے توں انھیر

اے لگدا تے جائے  
آں چنگے توں چافیر

نہیں بھارے رتی  
آں چنگے توں سیر





دس دل نوں کیویں نہ ٹک لگے  
جدوں تیرے ای پیار تے شک لگے

ساہ میرے تے راہواں دا لیکھ ہوئے  
مر جاواں تے منجی تے لک لگے

اُچّا نک تے ایویں محاورا اے  
اکو جھے نہیں سبھاں نوں نک لگے

دس بنّا نصیب نوں کیہ آکھے  
جدوں انب دے بوئے نوں اک لگے

خوش ہوواں تے وٹا وی پھل جاپے  
رُس جاواں تے چوَنڈھی وی چک لگے





سوچ غماں دی بھیڑ چ کھڑی دیکھی اے  
پہلی وار بلا اک تڑوی دیکھی اے

توں دیکھی اے مائی، ننگے پیر تے دھپ  
میں سڑکاں تے جنت سڑوی دیکھی اے

آہویں نیویں سہ جاندا اے  
جیہڑا جیندا رہ جاندا اے

دھرتی کڈی اے کیہ جاں  
اپنا منجا ڈیہ جاندا اے

سکا ویکھ کے ہتھ نہ لاویں  
سر دا تیلایہ جاندا اے

اکھاں نے تروا نہیں ڈٹھا  
جہڑا دھک دی تہ جاندا اے

ساہ دے چور دا فن تے ویکھو  
بندا تکدا رہ جاندا اے

میرا اندر اندرو اندری  
میںوں بھیڑا کہ جاندا اے





مُشکاں باہیں کسّی جا  
نال گناہ وی دسی جا

میں بدّل آں رو لاں گا  
توں تے پھل ایں ہی جا

سجن ایں تے سینے لگ  
پتھر ایں تے وی جا

کولھو ہوتا ایں  
جنا مرضی نسی جا

وعدا پھایا لگدا ای  
ڈھلی چھڑی رسی ، جا





پیار دی مالا چپدے رہے آں  
لبھنا کیہ سی کھپدے رہے آں

وَن اُگے تے اوہدی مرضی  
اُنج تے بندے نپدے رہے آں

خط پتر ای اُبلے نہیں سن  
رکھاں تے وی چھپدے رہے آں

بلھا ہونا شرط سی خورے  
چنّاں کاہدا! ٹپدے رہے آں

اج اک گھر نہ بٹیا ساتھوں  
کل پیراں تے تھپدے رہے آں



اکھ پئی پھڑکے ادھی راتیں  
لگ گئے دھڑکے ادھی راتیں

دل دی کالھی دھڑکن دھڑکن  
بُویا کھڑکے ادھی راتیں

نہ بئی میں نہیں پوری پئی  
ادھی تڑکے! ادھی راتیں



سجیماں سجیماں اکھاں دے وچ  
چانن رڑکے ادھی راتیں

بدلاں فیر کلیم نوں ڈٹھا  
سرکے سرکے ادھی راتیں



ہمت کیہ ہتھیار نہیں ہوندی  
دل نہ چھڑیں ہار نہیں ہوندی

موتیاں کیس بہانے آون  
بھڑی تھیں ٹیار نہیں ہوندی

کسراں سچا رہ سکنا واں  
اک ویلے تکرار نہیں ہوندی

ورہیاں اُتے اوس لینے آں  
صدیاں تیکر مار نہیں ہوندی

انہوئی نوں من کلیمہ  
انہوئی بیکار نہیں ہوندی





ہتھیں یاداں دے شہر اجاڑ دتے  
خط یار دے بچھے تے پاڑ دتے

ساڑے نال دے وک کے محل لے گئے  
اسیں کُلی دے گکھ وی ساڑ دتے

جنے دُکھ سی دل دی جیل اندر  
تالا صبر دا لایا تے تاڑ دتے

کتے اٹاں دا مینہ تے عشق جھلا  
کتے عشق نے کٹ پہاڑ دتے

جُتی بالاں دی لیں لئی مال وی دے  
رَبّا جنوں اِی جیٹھ تے ہاڑ دتے



پھٹ جگر دے دھو وی چکیاں  
اکھاں تینوں رو وی چکیاں

ربا میرے کھاتے پا دے  
اوتنے قسماں جو وی چکیاں

اکھاں راہواں تنکی جاوَن  
نبضاں تھک کھلو وی چکیاں

خُشیاں رَج کے چوری کر لے  
اک وی چکی 'دو وی چکیاں

”سکن“ والے نوں لبھدا پھرناں  
انگلاں مٹی گو وی چکیاں





ٹھڈیاں نال نہ مویا تے  
میں جے پتھر ہویا تے

کھوہ پینڈی نوں سمجھیں گا  
تیرا پتر رویا تے

چارے پھاہے لگے آں  
کنڈی، دُور، گڈویا، تے!

بات پتے دی دے گا  
ایہ جے پاگل ہویا تے

لے بئی سچا آج توں بعد  
میں تیرے لئی مویا تے!



انبر ول نوں چمّاں تے سُک جاواں  
رُکھ ہوواں تے کدو دا مُک جاواں

تیرے پیار نے جھلیاں کر دتا  
آپ واج ماراں آپے رُک جاواں

مبا ساون دی جھڑی اُدھار دے دے  
اینا روواں کہ اندروں سُک جاواں




ایس چاء نے راہواں دے وس پایا  
کتیوں لبھدا لبھدا لک جاواں

ہتھیں دکھ کماواں تے سانجھ لواں  
خیر سکھاں دی ملے تے تھک جاواں

چنگا ہووے تے دوویں ای جت جائے  
توں رام ہوویں میں دی جھک جاواں

ویلا سدا کلیم نوں یاد رکھے  
انج ویلے دے سینے چ تھک جاواں



گھٹ صبر دا بھریا ہووے  
دل فر کیوں نہ ٹھریا ہووے

ساون رت دا نقشا کھچاں؟  
جسراں چائن ڈریا ہووے

اوہنوں کیوں نہیں تارو مندے  
بھڑا مر کے تریا ہووے

کرچی کرچی ہو جانا واں  
جد کوئی مہٹا جریا ہووے

کھوٹی شے دا دُکھ ہوندا اے  
مُل جے پورا بھریا ہووے





وعدے پورے کر نہیں جاندَا  
سوچ رہیاں کیوں مَر نہیں جاندَا

جس دن نہ مزدوری لہے  
بُوے ولوں گھر نہیں جاندَا

سرِ ساہواں دی پنڈ نہیں ہوندی  
مُردا ایویں تر نہیں جاندَا

میرا سینا دم کرواؤ  
میرے اندروں ڈر نہیں جاندا

کاواں تک نوں ذات پیاری  
بندا سُن کے مر نہیں جاندا

انج کلیم نے نیویں سُشی  
جسراں بندا ہر نہیں جاندا





جگ میرے لئی اوپرا تاں ہویا  
جدوں ناں دُپہراں دا . چھاں ہویا

غم جھنڈا وی ہووے اوہ آ رہوے  
میرا دل نہ ہویا سراں ہویا

اکھ وگی تے ویکھ لئیں مُسک جانا  
تیرے دُکھاں دا بھاویں چنھاں ہویا

روز آس دے پُھل کھڑا جاوے  
ایہناں لوکاں توں چنگا تے کاں ہویا

لوک اج وی بُھلے نہیں پیار ساڈا  
جدوں رویا واں تیرا ای ناں ہویا



لیکھاں نال مکال تے پا لے  
خورے جت جائیں چال تے پا لے





گولی وانگر وَج کے ملیا  
ہجر سنہرٹ گج کے ملیا

میں تے غیر نوں وِ تھی وِتی  
توں کیوں آگوں بھج کے ملیا

اک اک ملٹا چیتے کیتا  
اج میں تینوں رَج کے ملیا

دکھ دا بڈل سر ہويا تے  
ہرٹ ملیا گج کے ملیا

یار کلیم نہ چھٹیں اُنج پر  
سوچ کے کھاویں کج کے ملیا




بہ کے کلا توں کیوں روویں  
جا وے جھلا توں کیوں روویں

کھیڈ وفا دی توں کیہ سمجھیں  
توں اولّا توں کیوں روویں

میری اکھ وے ہوندیاں سوندیاں  
خیری سلاّ توں کیوں روویں

میں تے روواں اکلاپے توں  
ہیں وے ملاّ! توں کیوں روویں





وانا بیجیں گا، تے سٹے آون گے  
ڈلی ماریں گا، تے اٹے آون گے

ساون بھادوں میرے وانگ نہ روئے تے  
ست سمندر گئے گئے آون گے

پترا چپ دے معنی اودوں سمجھیں گا  
جس دن تیری داڑھی چٹے آون گے

اودوں خورے ڈھیر سجاکھا من گے  
جس دن اکھاں تے بھروئے آون گے

اندر فیر کلیم اے بارش زوراں دی  
اکھ کھولی تے باہر وی چھٹے آون گے



لیکاں کٹی جانده او  
دھرتی پٹی جانده او

گھنٹا گھنٹا وسدے نہیں  
لمی چھٹی جانده او

ماواں کد تک جین گیاں  
رکھ تے پٹی جانده او



دکھ پتھر نہ پنڈا کچ  
ایویں سٹی جاندے او

اتھرو چوکھے بھارے نہیں  
کاہنوں سٹی جاندے او



روپ	سروپ	گھمنڈ	وے	ربا
ڈاڈھی	کوڑی	کھنڈ	وے	ربا

کیہ	تلاں	میں	اندروں	ویہلا
بھکھ	بنایا	جنڈ	وے	ربا

جیت	گیا	رسمیں	دا	کوڑا
ہاری	میری	کنڈ	وے	ربا



دے لوکاں نوں لمیاں عمراں  
میری زندگی ونڈ دے ربا

لیکھ تے میرا جوڑ نہ کوئی  
اوہ کوھو میں ونڈ دے ربا



سک سک کے ملی مراد پاروں  
رہن دھری اے جند اولاد پاروں

لیکھ نہ وی ٹورے تے بھ لیناں  
دکھ نویں توں نواں سواد پاروں

اوتھے ویر نے تے دی ول بیچی  
بھوئیں چھڈی سی جھڑی کماں پاروں

کتے رڑھے نیں نوٹ ثقافتاں تے  
کتے آنا نہ لبھا جہاد پاروں

اک گل تے پچھ کلیم اوہنوں  
کوئی دکھ وی روند اے داد پاروں





دلِ دا شیشا صاف تے نہیں ناں  
توں فر کیتا معاف تے نہیں ناں

توں کیوں ہجر سزاواں دیویں  
تیرے ہتھ انصاف تے نہیں ناں

پریاں ہر اک تھاں ہوندیاں نیں  
جھنگ دے وچ کوہ قاف تے نہیں ناں

میرے لیرے رت بھرے نیں  
تیرے ہتھ وی صاف تے نہیں ناں

کٹھیاں جین دی عادت پا کے  
وہ ہونا انصاف تے نہیں ناں



رسماں کہ کے دُوری جاواں  
اوہنوں دس مجبوری جاواں

ملبا سٹ صبر دا آپے  
کھوہ نیٹاں دے پوری جاواں

ہتھ میرے گلے نوں ترسن  
اِنی چھڈ کے دُوری جاواں

خُشیاں خورے چیر نیہے میری  
چار چفیرے گھوری جاواں

لوکو! میری ماں مر گئی اے  
روواں یاں مزدوری جاواں





صلا پیار دا ویریا قہرتے نہیں  
تینوں دل ای دتا اے زہرتے نہیں

ہر بندے دے ہتھ اے اٹ روڑا  
ایہ شہر وی تیرا ای شہرتے نہیں

ساہواں نال ای جائے گا غم تیرا  
کنج سکے گی اکھ اے نہرتے نہیں

یار ہس کے لنگھے نین غیر وانگوں  
میرے لیکھ دا پچھلا پہرتے نہیں

ہتھیں سینکھیا دتا ای نفرتاں دا  
ہُن کدے جے کہویں وی ٹھہرتے نہیں



ڑکھاں وانگ اُچیری اُگے  
گاٹا بیج دیری اُگے

میری وار دا پانی لا لے  
میری نہیں تے تیری اُگے

مینوں پتھر مارن والے  
تیرے گھر وچ بیری اُگے

ڈاڈھا ڈنگر چھڈ دیندا اے  
نہیں تے کک بتھیری اُگے

اِکو شرطے موت قبولی  
دھرتی تے اِک ڈھیری اُگے





اک تے منزل دُور سی جِسراں  
اُتوں دل مجبور سی جِسراں

ٹھنڈیاں ساہواں سیکا مارن  
برفاں ہیٹھ تندُور سی جِسراں

سُولی ٹُر پئی کچھ کچھ  
میرا ناں منصور سی جِسراں

جیتے چاہیا، سدھیاں گلاں  
ساری دھرتی طور سی جسراں

سجناں میرے عیب اُچھالے  
سوہٹی نہیں، اوہ حور سی جسراں

اوہ کیتا جو سجن چاہیا  
یاں اوہنوں منظور سی جسراں





دُکھ دے راہیا اوکھ پسندا کجھ تے کہ  
اپنا حال توں چنگا مندا کجھ تے کہ

چپ تے موت دا دوجا ناں اے خیر ہووی  
بھاویں کوڑا بولے بندا کجھ تے کہ

اپنے کول تجربا رکھنا ویر جھیا  
کیہ دیندا اے پیار دا دھندا کجھ تے کہ

سارے جگ دی اکھ اے میری چپ اُتے  
رُجھ نوں اکھ سنہری دندا کجھ تے کہ

خُشیاں بارے کہن کلیم ضروری نہیں  
دُکھوں کڈھ لے روگ پلندا کجھ تے کہ

مینہ و سیا تے چوئی چھت  
میرے حال تے روئی چھت

اج سورج دی آکڑ بھن  
کانے بنھ کے لوئی چھت

لیکھا میرا کجھ تے چھٹ  
کوئی سجن کوئی چھت

وچھ گئی میرے جسے تے  
میتھوں پہلاں موئی چھت

اوہندا ننگ کچیاں اے  
جہدے سر تے ہوئی چھت





اکھ رکھی اے ، سیتی نہیں  
میں لکھن دی کیتی نہیں

جگراتا اے عمراں دا  
رَب دی قسمے ، پیتی نہیں

یاں توں مرنوں ڈرنا ایں  
یاں تیرے تے ، بیتی نہیں

ربا توں اس لائق ایں  
جنت پاروں نیتی نہیں

مَر تے میں وی جانا اے  
ایڈی چپ چپیتی نہیں

عمروں لمی راہ نہ لیندا  
جے ایہ عشق وساہ نہ لیندا

ہجر وا زہر پچائی پھرناں  
توں تے دوجا ساہ نہ لیندا

راہواں کیہ سن جے اوہ ویری  
متھے لیکاں واہ نہ لیندا

اج کل اکو رولے وچ آں  
اوہ نہ لیندا آہ نہ لیندا

یار کلیم جے جیٹا ہندا  
ویلے نال نبھاہ نہ لیندا؟





تسمے تیرا توڑ ای نہیں  
تیرا چن دا جوڑ ای نہیں

جیٹا اک مجبوری اے  
تینوں کھن دی لوڑ ای نہیں

ہور ہزاراں کمیاں نیں  
اکو تیری تھوڑ ای نہیں

حق دی راہ تے رُکے تک  
بلکل 'سدھی' موڑ ای نہیں

یار کلیما لگدا اے  
اوہنوں تیری لوڑ ای نہیں



کٹھے دیکھے دسکھ تے دُکھ  
انہر ول اک رُکھ تے دُکھ


اوہدے مُنہ تے زردی سی  
دستے چن دے دسکھ تے دُکھ

تہواں لا کے رکھنا واں  
خط تے خط، نہیں، دُکھ تے دُکھ



میں کلاتے روئے دو  
اونتر جانی بھکتے دکھ

ہس لئے جنا ہسنا ای  
انت قبر دی گکھ تے دکھ



فہناں وچ فتور نہ گڈیں  
لاچ حرص غرور نہ گڈیں

توں تے میرے اندر رہنائیں  
میرے لئی کوہ طور نہ گڈیں

اٹ جی وی مہنگی ہووے  
منے تھیں مزدور نہ گڈیں



میں ’مکھاں وا کوہیا ہویاں  
سولی چو کھی دور نہ گڈیں


جینا ای تے عمل دی پیلی  
ہر شے گڈ لئیں حور نہ گڈیں



الحمد لائبریری

فیس بک  
گروپ  
کتابیں  
پڑھیے

سید حسین احسن



یار ہووے تے سون دی رُت ہووے  
بنا پیتیاں کھڑا نہ دُھت ہووے

اک بُت سندھوڑی وکھا ربا  
جہدی سوا کو گز دی گت ہووے

فر اوہنوں اے، سانوں نہیں لوڑ اوہدی  
اللہ پاک! جے مٹی دا بُت ہووے

کنڈ ننگی دا ڈر نہیں رہ جاندا  
بھاویں چھلے دے وچ دی پت ہووے





خوف      انھیرے      ٹال      برابر  
ہمت      دیوے      بال      برابر

ہجر      ہنڈاندے      صدیاں      ہونیاں  
اک      اک      دن      سی      سال      برابر

شیشے      وچ      تریڑ      بُری      اے  
بھاویں      ہووے      وال      برابر

ویلے      دا      مقروض      نہ      ہوویں  
کر      دے      ویلے      نال      برابر

باقی      جیون      آپو      اپنا  
اپنا      ماضی      حال      برابر



سُکھ تے چھاواں تیکر اے

سُکھیاں ماواں تیکر اے

دوزخ بُھگتی جانا واں

پہنچ خداواں تیکر اے

جگ دا کیوں احسان لوواں

کم تے کاواں تیکر اے

بے فائدہ جہی زندگی اے

شور بلاواں تیکر اے

دُساں زندگی کنی اے

صرف دُعاواں تیکر اے





و یکھ کے راہواں ملیاں پیٹیاں  
گھر بیٹھے نوں کھلیاں پیٹیاں

عشق سی خورے تھوک دا سودا  
پیڑاں ہور سولیاں پیٹیاں

بلی اثراں والی نکلی  
چوہیاں دے گل ٹلیاں پیٹیاں

نال ! نہیرے لے کے آئیاں  
راہواں گل نہیں کلیاں پیٹیاں

اسماناں دی چھت توں لہ آ  
تک بنیاداں ہلیاں پیٹیاں



پاداں ہوکاں مارن لگیاں  
اگ نوں پھوکاں مارن لگیاں


پگڈنڈی تے رات دا پینڈا  
راہواں شوکاں مارن لگیاں

فیر رنڈاپا دوزخ آکھن  
سوچن پھوکاں مارن لگیاں

وکیہ کے بھکھے بالاں پاسے  
ڈیناں کواں مارن لگیاں

تیز ہواواں مٹھیاں ہو کے  
نال سلوکاں مارن لگیاں






پیسّا ریڑا ہو سکدا اے  
دوجا کھڑا ہو سکدا اے

وٹ پچھانہ نہیں سوتر ہوئی  
خالی ویڑا ہو سکدا اے

ڈھونڈ رہیاں رسماں دا باغی  
آوے جھڑا ہو سکدا اے

تنگ نظری جے اندروں کڈھیسے  
کھلا ویڑا ہو سکدا اے

قاصد چپ اے یار کلیما  
ہجر سنہرٹا ہو سکدا اے



اکھاں میٹ کے ترّ جانا واں  
اندر کدھرے کھڑ جانا واں

سوں جاواں تے لیکھ ڈراوے  
کھیرا سپ آل لڑ جانا واں

نکلتا کیہ اے سمجھ نہیں آندی  
نکلتے تے اپڑ جانا واں

توں پرچھاواں کیوں نہ ہوویں  
تیری خاطر سڑ جانا واں

اکھاں میرے وس وچ نہیں جے  
دل اگے تے اڑ جانا واں





شیشے      وا      لشکارا      اے  
بیلی      کہن      اشارا      اے

اکھ      سمندر      ہوندی      اے  
چکھ      لے      پانی      اے

رُوپ      وا      مُل      گھٹا      ربا  
لاگت      مٹی      گارا      اے

’بھکھ‘      مکان      دے      پرچے      وج  
میرے      ناں      لکارا      اے

بوری      بستر      بنجہ      کلیم  
ہور      کسے      وا      اے

کھیڈ وگاڑی سوچاں دی  
کلی ساڑی سوچاں دی

اکھر دا تن کجّ لئی  
چادر پاڑی سوچاں دی

روپ گوانڈھی آ بیا  
قسمت ماڑی سوچاں دی

شعر مؤکل حاضر سی  
سُن کے تاڑی سوچاں دی

فیر کلیم اڈیک رہیاں  
”سوئی“ ہاڑی سوچاں دی





ساہواں نال اُبال رہیا واں  
اجکل زندگی گال رہیا واں

میں پتھر دے وچ نہیں رہندا  
فیر وی بھکھاں جال رہیا واں

مَن جُتے دے واڑے اندر  
ہو کے پیڑاں پال رہیا واں

اونا اپنے نال نال نہیں ٹریا  
جنا تیرے نال نال رہیا واں

رُوپ تے دل دی بازی وچ میں  
ودھ توں ودھ اک چال رہیا واں

لوکی سمجھن شعر کلیمہ  
میں تے دیوے بال رہیا واں





بُویا دل دا کھولاں تے فیر کھنا  
ہنجو ہن وی ڈولھاں تے فیر کھنا

مینوں پتا اے دل نہیں نال میرے  
ایندے دکھڑے پھولاں تے فیر کھنا

اے یاداں دی گتھلی نہ کھوہو  
ایہنوں ڈولھاں پھولاں تے فیر کھنا

راہ پیٹھے نوں بھیڑا نہ کہی جاؤ  
اوپرے نال جے بولاں تے فیر کہنا


میری اکھ انصاف دی تکرری اے  
ڈنڈی مار کے تولوں تے فیر کہنا





اَکھاں دَھر کے شیشے ساہویں  
 بَدَل پیاسے ویکھ رہیا واں





ناں = تجمل حسین  
 تخلص = کلیم  
 جنم = 26 مارچ 1960 کریشن نگر لاہور  
 پو دا ناں = محمد شفیع  
 ماں جی دا ناں = رشیدہ بیگم  
 کتا = ملازمت محکمہ تعلیم چوئیاں  
 سرپرست = پنجابی ادبی سنگت چوئیاں  
 پتا = ضرغام ہاؤس محلہ رسول نگر چوئیاں  
 ضلع قصور

فکشن ہاؤس

۱۸- فرنگ روڈ، لاہور

